



19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43

吉430  
800  
30-4





十二硯齋金石過眼錄卷十

儀徵汪鋆



唐

梁君夫人成氏墓誌

碑高一尺二寸廣一尺一寸正書十七行行十七字

夫人諱琳雄州渭南縣主簿第三女成肅公之後也原夫激瀾姬水架瑤筮於崇宗分組漢京晰銀章於華棘曾祖璠隨任濟州東阿縣長祖貴唐任幽州永壽縣令咸以芳泱五陵飛雲柯以切漢聲雄百里曳花綬以交軒夫人承姿洛月誕魄巫雲温泚凝懷幽嫺協操室善

中積交百兩而妻高陽宮銷外昭騰六行而嬪通德熟  
謂奄捐潘簞隨寶發而沉星溘謝秦樓伴金娥而上月  
春秋廿有二以麟德元年十二月二日卒於隆政里第  
嗚呼哀哉即以其月十一日殯於終南山楸梓谷之阿  
乃爲銘曰

賢條吐秀寃路楊聲三綱絢美四德凝貞嬪則凝闈  
序克明降年不永頽日遽傾秦樓黯照口宇沉形風催  
曉翳霧卷晨旌路迷口野地沒泉扃斯今勒琰終古芳  
名

右梁君夫人成氏墓誌無撰書人姓氏夫人祖父夫

於史無攷誌以琛作璨孰作孰發作發

左親衛裴君墓誌銘

碑高九寸廣九寸正  
書十四行行十五字

大唐故左親衛裴君墓誌銘

君諱可久字貞遠河東聞喜人也祖勣衛尉少卿邢州  
刺史翼城公父居業梁州都督府司馬君擅羨藍田虹  
光絢彩標奇渥水龍友呈姿見賞通人知名先達選補  
國子生俄轉左親衛既而魂驚大夢運迫小年夏首西  
浮徒切思歸之望邯鄲北走永絕平生之遊咸享三年  
七月廿八日遘疾終於襄陽春秋廿五粵以四年歲次

癸酉二月丁巳朔廿九日乙酉窆于京兆之朱坂其銘  
曰  
卿相舊門公侯子孫荷戈運否離經道存佳城俄寐夜  
臺靈曉獨有仙禽空遊華表

右裴君墓誌云祖勣衛尉卿少卿邢州刺史父居業  
梁州都督府司馬按新唐書宰相世系表東眷裴下  
有名熙勣洛州刺史居業倖書其名而無梁州都督  
府司馬職銜皆當以誌爲正左親衛百官志爲資蔭  
之職武德貞觀間以二品三品子補親衛裴君此職  
當由勳官後而遷至者

王君夫人墓誌銘

碑高一尺四寸廣一尺四寸  
正書二十一行行二十字

大唐故文林郎王君夫人墓誌銘 并序

夫人雍州乾封人也原夫靈根菴茂秀玉樹之青葱純  
口悠長控珠流而浩汗由是聲塵彤蜚冠蓋蟬聯倚在  
方冊可略言矣曾祖等並抽芒星緯毓慶雲枝漸鴻陸  
而遊天激龍建而運海父義通任秦州上邽縣令牛刀  
遊刃武城之譽克隆魚躍享鱸菜蕪之芳式序積善餘  
慶信而有徵夫人則柏明府第三女也驪川孕彩虹浦  
翹姿藻四德而揚芬劬三從而有裕年甫十五適于王

氏粉繪後鄰之訓財成斷織之規欽若張葳允釐曹誠  
所謂蘭閨淑慎襲蘅薄而流芳豈圖夜臺迢忽掩泉扃  
而褫魄粵以上元元年歲次甲戌八月戊寅朔廿二日  
己亥侵疾終於醴泉里第春秋七十有一即以某年八  
月廿九日權殯于長安城西二十五里高峰原禮也子  
安仁等風枝結欒寒泉增感青烏演世猶未耐於重衾  
黃墟啓壤軼夕塋於吹卜恐丹青歇滅人事推遷爰闡  
德音式題貞石其詞曰

龍上錫祚虹姿絢美猗歟令淑克明終始柔婉自天徽  
猷在已丹桂流馥紫蘭貽祉于嗟婉範倏掩芳蓀鴛機

網織鸞鏡塵昏風淒隴隧月落山門天長地久身翳名  
存

按此誌諸金石書皆無著錄當是近時新出者後以  
芮切揚子方言菴小也凡草生初達謂之菴左思吳  
都賦鬱兮菴茂

孫君墓誌銘

碑標本正書字  
數行數不可計

唐故魏州昌樂縣令孫君墓誌銘 并序

君諱義普字智周樂安人也受命任周懿親分衛肥泉  
自遠瓜瓞攸興儒術著聞卿有聲於霸楚兵法修列武

流稱於強吳興公之藻思文河安國之屬詞史筆並播  
之謠俗傳諸好事曾祖信魏拜露門博士武闈訓胄槐  
市說經玉柄增輝璧池逾濬祖進周晉州長史魏州刺  
史題輿輿壤露寃雄州譽重沂歌愛深并竹父乾隋鄆  
城陳倉一縣令粒桐表逸縮墨凝威卓令恥其移螟成  
人媿其冠范君積基三襲騰芳八桂叅玄蘊睿辯日飛  
英涯岸自高波瀾莫究以明經擢第釋褐魏州昌樂縣  
令導德齊禮今古攸難君顧水火以銘懷佩韋絃而取  
誠疲人有恥獷俗知方子承景至孝有聞高材縉譽情  
深色養有懷捧檄上元之歲從宦河東奉以之官獲申

溫清而徂春不駐靖樹難追粵以一季正月二日終于  
官舍春秋九十有三夫人李氏言容箸美琴瑟克諧逝  
先風露奄同泉壤君雅道絕倫貞風邁俗潁川英傑許  
以黃中譙國俊賢方之白起重以虛舟在已仁心拯物  
妙達玄言歸心釋教爰自弱冠泊乎華髮飲食薰辛嗜  
欲咸遣每行般舟道常誦法華經未終之前若有神應  
恒詠薛開府詩云昨望巫山峽流淚滿征衣今赴長安  
道含笑逐春歸詞氣悽惋左右傷惻自是數日而終嗟  
乎知命不憂託文見意君嘗以爲次房交夢近乎懷土  
之心卞壺言留幾乎達人之智故趙文子之擇地楊王

孫之不襲其得意哉景今任雍州高陵縣尉事遵  
先有改定京畿卽以文明元年五月廿一日卜葬於高  
陵縣之西南樂安鄉之偶原禮也余其東界黃河遙臨  
晉邑西郊黑水近帶秦壩前望終南得夏公之寶氣却  
居渭北枕尙父之璜津是知黃壤四隅白楸三社延陵  
魂魄無所不之上也東西焉能不識嗟厚甾之難曉歎  
陰溝之永閔託立石以披文庶清徽之不墜其詞曰邠  
葦載頌淇竹傳詩悠哉長發邈矣丕基卿傳儒雅武善  
兵師家承簪紱業茂基茲於鑠通賢惟材之秀禮義韜  
鎖人倫領袖環堵業殫金篋學富從政之道德音以茂

製錦非學焚絲易理潘訓自輕游絃知恥脫屣城邑披  
襟田里傲晚風雲徘徊林汜夜壑舟從悲泉景吳鬪蟻  
翻聲巢鷺駛翼萬化斯盡九冥誰測臺臺清風泠泠不  
息

右魏州昌樂縣令孫君墓誌銘按君諱義普字智周  
樂安人也新唐書孫伏伽傳太宗卽位封伏伽樂安  
縣男義普爲樂安人當是伏伽之族人特曾祖迄父  
無考遂不能詳義普以上元二年卒於昌樂官舍年  
九十三約計其年當與伏伽不相上下伏伽卒於顯  
慶三年僅先十三年耳子承景任高陵縣尉遂以文

明元年葬於高陵縣按宋敏求長安志高陵縣唐屬  
京兆府天授二年始隸鴻州文以駢儷書勢亦佳又  
未經前人著錄故存之碑以茲作華非別字當有所  
譚耳吳按即吳字漢復民租碑勞神日異又變作吳  
范陽令楊府君夫人韋氏墓誌銘

碑高一尺廣一尺正書  
二十二行行二十二字

大唐故幽州范陽縣令楊府君夫人韋氏墓誌銘

夫人諱檀特字毘耶梨京兆杜陵人也神皋華實揜陸  
海之紛敷巨派靈長控八川之決漭珠光集乘已聞賢  
之談金氣衝籟寔聖人之道貂蟬之美相繼蘭菊之芬

不絕夫人魏太傅鄭襄公之曾孫周內史京世丑河南  
公之孫隨尙衣奉御舒國公之第二女體少陰之精苞  
太和之靈佩張葳以自勗擁曹試以飛馨神彩嶷然莫  
姿獨茂庭前白雪得飛絮之奇情琴裏清風知絕絃之  
不調年甫十五歸于隨尙書左丞國子祭酒弘農楊汪  
第五子幽州范陽縣令政本河魴之美乘龍之慶休祿  
冠於二門榮耀覃于九族之不妄動用遵珩佩之聲口  
無擇言必叶詩書之味然而四鄰流邁百齡飄忽如宿  
之敬不居遠客之遊斯盡卅有幾即宅而天惇、獨處  
哀哀長疚撫衾幃而歎息望閭闔而洞開仙草十洲反



魂之語徒說連梧半死餘生之望幾何粵以永隆二年  
八月一日終于永寧里春秋七十有四即以其月十八  
日窆於雍州明堂縣義口鄉禮也恐雙龍有會將申共  
穴之儀駟馬長鳴無復佳城之記式鑿金石用播蘭茝  
其詞曰  
莫之秀灼其芳家承鍾鼎德潤珪璋女儀閑泝母  
範妍詳地宣六氣天廻二光龍孤劍沒鸛窠琴亡長終  
雌縞永絕穹蒼餘生可見奄逐徂光薤音悽囀松路虛  
涼勒金聲与玉質固地久而天長

右楊府君夫人韋氏墓誌云夫人京兆杜陵人按隋

書韋師韋世康傳皆爲京兆杜陵人夫人父隋尙書  
奉御舒國公諸韋傳皆無此爵誌云夫人年十五歸  
于隋尙書左丞國子祭酒宏農楊汪第五子隋書楊  
汪傳高祖受禪汪遷尙書左丞與誌合但第五子之  
名未附於傳誌以耶作耶莫作英

朝請大夫張君墓誌銘

碑高一尺二寸廣一尺二寸  
正書十七行行十七字

大唐故朝請大夫張君墓誌銘

君諱懿字萬壽清河人也昔玉耀南輝抗炎精於翠鳳  
金鉤西慶肇昌緒於靈禽或輔翼攀龍創蟾丸於漢日

或飛榮摠秀捧雀環於晉朝父緒隨任汾州戶曹叅軍  
質秉圭璋

心苞松竹堂堂張也未足標其美懍懍志也秋口詎得  
比其威釋褐蒙授朝請大夫觀國觀光筮仕之期纔道  
夢楹夢奠止隅之壘已丁先薨于迅康斯里春秋八十  
即以永淳二年癸未二月己未朔十五日癸酉遷于長  
安縣隆首鄉之原禮也五百昌期於斯永謝三千冥契  
卽此長歸骸瘞幽垆無復長安之日魂收拱木仍疏京  
世之阡嗚呼哀哉乃爲銘曰

基表靡墜弁寃聯綿投身送歛寔乃良賢不求祿位養

性邱園月之變改年隨逝川其一口猷水謝玉質無全誰

知積善不復長返春秋遞往日月旬還令德不朽歷代

流傳其二

右朝請大夫張懿墓誌銘新唐書宰相世系表清河

張下無懿與父緒名誌序有輔翼攀龍及銘有投身

送歛之句意懿仕隋而歸唐者懿薨年八十唐舉義

旂在大業間約計懿方壯歲來歸暮年筮仕未久卽

薨於位誌未書薨時年月僅以永淳二年遷于長安

縣隆首鄉按宋敏求長安志隆首作龍首在萬年縣

而非長安也碑以豐作豐返作延寃作寃

二種寶金剛經卷之十  
九  
沔如禪師行狀

碑標本八分書行  
數字數不可計

唐中岳沙門釋沔如禪師行狀

大師諱沔如姓王氏上黨人也幼隨舅任灃陽事青布  
明爲師年十九出家志求大法明內隱禪智當人見讓  
云蘄州忍禪師所行三昧汝宜往諮受曰敬聞命矣其  
後到彼會中稽請畢已祖師默辯先機即授其道開佛  
密意頓入一乘數緣非緣二種都盡到清涼池入空寂  
舍可謂不動真際而知萬象者也天竺相承本無文字  
入此門者唯意相傳故廬山遠沔師禪經序云則是阿

難曲承音詔遇非其人必藏之靈府幽關莫闢罕窺其  
庭如來泥曰未久阿難傳未田地未田地傳舍耶婆斯  
此三應真契于昔功在言外經所不辯必闢軌元匠  
孱然無羞又有達節善變出處無際晦名寄迹無聞無  
亦斯人不可以名部分別有宗矣明者即南天竺三藏  
法師菩提達摩紹隆此宗步武東鄰之國傳曰神化幽  
蹟入魏傳可傳粲粲傳信信傳忽忽傳如當傳之不  
言者非曰其人孰能傳哉至咸亨五年祖師滅度始終  
奉侍經十六載既淮南化掩北遊中岳後居少林寺處  
衆三年人不知其量所以守本全朴弃世浮榮廉謙之

德賢士之靈也外藏名器內洽玄功庶幾之道高遁之  
風也對問辭簡窮精入微出有之計解空之圍也權智  
勇略能建沔城安人之友師者之明也垂拱二年四海  
標領僧衆集少林精舍請開禪法僉曰始自後魏爰降  
于唐帝代有五年將二百而命世之德時時聞出咸臥  
無上大寶貽諸後昆今若再振玄綱使朝聞者光復正  
化師聞請已辭對之曰言寂則意不亡以智則慮未滅  
若順諸賢之命用隆先勝之道如何敢矣猶是謙退三  
讓久乃許焉觀乎至人之意廣矣大矣深矣遠矣今唯  
以一沔能令聖凡同人決定勇猛當應諦受如人出火

不容中斷衆皆屈申臂項便得本心師以一印之沔密  
印於衆意世界不現則是沔界此沔如空中月影出現  
應度者心子勤行之道在其中矣而大化既敷其事廣  
博羣機隱變之度毫釐不差自後頻誨學人所疑咸速  
發問俄然現疾乃先覺有徵尔取後一夜端坐樹下告  
以遺訓重明宗極顯七日而爲一切悟彈指而震大千  
沔無去來延促思盡即永昌元年歲次己丑七月二十  
七日午時寂然卒世春秋五十有二座于小室山之原  
也諸受業沙門北就高頂起塔置石優填王釋迦像并  
累師之行狀勒在佛碑龔龔奉廟庭觀文以自誡曰我

師利見動寂無方陶均萬累廣世爲梁登微有階庶勤  
必感遺功罔極日月齊光

右汭如禪師行狀八分書無譏書人姓氏碑云師姓  
王十九歲出家事青布明爲師明命汭如師蘄州忍  
禪師按舊唐書僧神秀傳秀隋末出家爲僧後遇蘄  
州雙峯山東山寺僧弘忍坐禪爲業碑云忍禪師當  
即弘忍也碑云明者即南天竺三藏法師菩提達摩  
紹隆此宗步武東鄰之國傳曰神化幽蹟入魏傳可  
可傳粲粲傳信信傳忍忍即弘忍也以上數語悉與  
神秀傳合初神秀同學慧能與秀行業相埒能住韶

州遂爲南宗秀爲北宗汭如師事弘忍何無一語及  
之碑謂汭如當忍師滅度後侍奉十六載北游中岳  
遂居少林寺垂拱二年僧衆請開禪法以永昌元年  
卒瘞于少室山碑無一字漫漶以行狀書碑特爲僅  
見當錄入王芑孫碑版廣例碑以汭作法粲作粲友  
即發字

孝廉張君墓誌銘

碑標本正書行  
數字數不可計

唐孝廉張君墓誌銘 并序

君諱慶之字仲遠功曹府君之弟子也儀形簡秀風神

峻整引義望於曾懷轉山泉於襟袖泛覽流略尤明左  
氏州辟孝廉不赴燒金未救夢珠徵禍春秋卅有二以  
唐之咸亨四季十⑤十七⑥卒於家以大周而稭之三  
季⑦⑧六⑨與妻京地杜氏同改窆於安養縣西相城  
里君孝友之行冠絕等夷仁恕之情超邁群輩而伯道  
不嗣仲宣無後彼蒼者而孰云報施援翰雪泣用銘幽  
礎其詞曰

山以玉暉水因珠媚我有明哲蒸蒸日上匪匱彼美仲兮其  
心貞愿贈瓊化泣瑟舟遂遠漢流東注騎岫西盤棗野  
風急鴛原⑩寒扣櫬遣車惟兄惟弟誰云不痛永絕遺  
體

右咸亨四年孝廉張君墓誌銘前人均無著錄張君  
諱慶之字仲遠書父僅功曹府君之弟子也籍亦未  
詳又無事蹟可考卒於大周天授三年按武后所撰  
字以楡作授碑又以稭作楡以夷作夷

程玄景墓誌銘

碑標本正書字  
數行數不可計

大周故處士程先生墓誌銘

并序

先生諱玄景字師朗京地長安人也若夫道契儒林季  
升騰芳於漢①才光俊藪延休播美於晉時故贈絹傷

離夫子仰先生之德橫威絕漠將軍獲武帝之口由是  
冠蓋蟬聯風徽不絕長波枯壑高構凌而渙圖史以銘  
功故可略而言矣祖恭隨朝議郎行涇州平梁縣令遷  
蝗感德蹈卓茂之高風厲馬流仁酌羅含之懿範父敬  
逸唐大丞相府朝散大夫義旗肇建率土咸賓褒德錫  
功穉斯散職惟先生風神警悟器宇虛明清露於秋  
而擢風雲於冬仁能接物孝以安親三思後行季文  
子之高志去食存信孔宣父之清規稽牀夜許其雅得  
放曠無爲所巽雲翳孤松偃霜巖而挺節豈謂風摧六  
檣瘞泉石以收榮氣掩如蘭既摧率於晞露光沉若木

俄促節於驚飈以長壽三季歲次甲午孟夏景戌朔五  
甲午遣疾終于群賢里春秋五十有一嗚呼哀哉先  
生夙崇三業妙洞一乘然智炬於心田則迷途自朗泛  
慈航於愍海則彼岸攸登學以其廿二景午葬於  
龍首原禮也有子彥先寺趨庭闕訓陟岵無依踐霜露  
以崩心庶題珉而紀德其詞曰  
崇基磊落清泠法汪贈縑傷別捧承光寒松比操秋  
桂同芳即色非色筌忘蹄忘川舟易往隙駟難停雲愁  
偃蓋電激流旌啓黃泉於卜宅掩白於佳城歎松門  
之一閉痛蒿里之長扃

右程元景墓誌銘不著撰書人名氏文以駢儷雅有六朝氣韻祖父及元景名於史無徵長安三年甲午與史合

慶林觀銅鐘銘

銘高六寸廣八寸正書七行行十二字

維大周長安肆季歲次甲辰拾匝癸丑朔貳甲寅合州慶林觀觀主蒲真應等奉為

聖神皇帝陛下敬造洪鐘一口重肆百斤普及法界蒼生並同斯福

朝議郎即行合州司馬馬德表

右鐘銘金石苑曾載入長安為偽周年號合州今匝

川重慶府

薛劉墓誌銘

碑標本正書行數字數不可計蓋正書大周薛府君墓誌之銘

大周故薛府君墓誌銘

并序

舟元一詞

公諱劉字

河東芝也炎精爽馭主瑞標基山海沸

騰生靈蕩覆君遊弱喪遂為京兆至焉公之先祖光華史冊公氣襲冲和姿標孤秀陸沈淫隱捐利忘名而積

善無徵俄驚怛化

季 匝

○終于龍首里第

春秋

旋以其季 匝

○葬于長安龍首原



禮也夫王戴氏早喪而夫位居孀婦孤育稚子卅餘季  
內不愧心外無慙影衛姜陳婦謝德攀賢尋以

季 匪

①終于懷遠里第春秋

即以其

季 匪

②擢殯此原也子而讓等行高曾閔孝

荅劬勞式遵異室之儀聿奉同衾之禮粵以久視元季  
歲次庚子五匪巳酉朔廿四③壬午乃遷墳合葬蒼山  
激溜碧海楊塵勒茲貞石永播良薰其銘曰

於穆幽靈生爲隱逸躬于戴氏宜其家室齊體合歡交  
臂相失今櫬雖兩其墳是一永趨玄夜長辭皎④勒夫  
珉礎傳乎英實

右薛剛墓誌銘再元一詞誌謂剛河東人按新唐書  
薛收傳謂元敬隋選部郎邁之子與收及族兄德音  
齊名世稱河東三鳳剛籍河東剛或其族歟誌有山  
海沸騰人靈蕩覆君遊弱喪遂爲京兆人馬當是河  
東人而遷於長安者隱居未仕於史無考是碑他書  
未經著錄是近年新出者碑以薰作勳

王美暢夫人長孫氏墓誌銘

碑標本正書行  
數字數不計

王美暢夫王長孫氏墓誌銘 并序

夫王長孫氏河南郡王也七族疏派十姓今源茂緒洪

宗光輝於圖史通槐烈棘昭絢於縑紉曾祖敞隨金紫  
光祿大夫宗正卿平原郡開國公祖義常唐通議大夫  
華容郡公 名高去病或聲重隱之乍酌貪泉口論兵  
法父朝散大夫懷州河內令瀛州司馬貳臧十城道光  
於展驥絃歌百里化孚於馴翟夫至蘭晚傳芳瓊田瀉  
潤稟三靈之涪粹挺田德之英姿敬慎禮儀允恭歲訓  
爾美之率適于太原王氏三周既御百兩言歸琴瑟既  
諧條枚是則菊銘枌頌燭耀於心田鸚倚鶴紋發揮於  
意匠通閨仰其柔範列閭挹其清猷團別

勅拜成安郡君尋除懷德郡君以德昇榮從夫錫秩既  
同石節更似口鄉壘磨元季王府君止坐挺災奠楹俄  
及夫厓口舟靡託葛藟無依志殞形存景心瘡口既而  
浮休廻薄幹運推遷与善從欺俄嬰沉痾瓊田盡草重  
遇無期西域胡香再逢無<sup>①</sup>嗚呼哀哉以大足元季六  
匝廿六<sup>②</sup>薨于汝州私第春秋五十有<sup>③</sup>四夫厓宿植得  
本深悟法門捨離蓋纏超出愛網以爲合葬非古何必  
同墳乃遺令於洛川合官縣界龍門山寺側爲空以安  
神挺子斯等孝窮峯義禮極而徑思切風枝哀纏霜露  
從命則情所未忍違教則心用荒然乃詢訪通厓敬遵  
遺訓遂以長安三季梯山鑿道架險穿空搆石崇其基

斲絮陳其隙与而峯而長固等靈光而巋然乃爲銘曰

○矣洪緒悠哉霸圖遼河建國靈武開都山川濱貺生

物英謨其一誕斯令德作嬪君子聲茂葛覃道越江汜調

諧琴瑟譽芳蘭芷有洸泚慎無刑愠喜其二良玉捐背椽

枝靡託遺象窈冥堂隅蕭索閱水波逝虞泉景薄風勁

蘭摧霜霏桂落其寒驚嶺北○慘山西靈輻動駕哀輓

凝悽松惟露泣柏悵風啼芳徽無泯而峯俱齊其四

金石錄有景雲二年薛稷撰書王美暢碑此誌未經

著錄誌有初筭之年適于太原王氏王氏疑是新唐

書所載王方翼族人傳謂方翼并州祁人舊唐書地

理志太原郡武德元年改爲并州蓋并州即太原也

誌謂勅拜成安郡君尋除懷德郡君按高宗本紀顯

慶五年三月皇后宴親族鄰里於朝堂會命婦於內

殿賜鄰里故舊有差城內及諸婦女各版授郡君王

溥唐會要勲官二品有勲毋妻爲郡君各視夫子之

品則是成安懷德之錫是命婦有邑號者誌謂以德

昇榮從夫錫秩指此也聖歷元年王府君止坐挺災

奠楹俄及止坐挺災當是坐程務挺災也又王方翼

傳方翼與高宗廢后王氏爲兄妹行武后時王后屬

無在者而武后內欲因罪除之未得也及務挺被殺

即并坐方翼意美暢亦在坐中誌曰止坐挺灾者當謂此也特史無美暢名不能實指長孫氏為唐望族于歸王氏理當然也夫人薨於汝州葬於洛川未與夫合窆誌書於偽周之代別體因之以爾作初本顧亭林音釋也抵字書槪同梳

許洛仁妻宋夫人墓誌

碑高一尺廣一尺正書十七行行二十字

大唐故冠軍大將軍代州都督上柱國許洛仁妻襄邑縣君宋氏夫人墓誌 并序


夫人諱善主字令儀定州安喜人也原夫玄禽翹羽

育商之祚白翰騰驥肇承殷之杞泊乎分邦錫祉口茂實於睢陽列國會盟秀芳華於官度祖逸周開府儀同三司江州刺史永甯縣開國公父濤隨左千牛備身永州長史柱國襲爵如故並位光烈率名叅上將塞帷楚甸副軫衡吳夫人名藹蘭閨聲絲闕壺標梅與止椽木承恩捧案申恭敬深饑野年過蒲柳歲迫桑榆遘疾弥流遊魂岱錄春秋九十有九薨於金城坊里第即以其年五月廿四日窆於龍首原禮也嗚呼哀哉松風悽慘薤露蒼茫悲夜臺之永暮痛佳城之未光乃為銘曰天開寶祚地啓靈源瑤華蔭蔚玉葉便繁偉哉先哲猶


三石齋集卷之十一  
後昆寒惟下邑露冕上藩其四德標舉三從惠養洲  
慎居貞聲名厲響景西傾逝川東往瘞玉質重泉  
遂埋魂于幽壤其

右許洛仁妻宋夫人墓誌無年號按洛仁兩唐書俱  
附兄世緒傳極簡略洛仁陪葬昭陵有一分漉漫未  
詳夫人姓氏洛仁碑謂薨於龍朔二年年八十五而  
夫人墓誌謂薨年九十有九意其時嘗在高宗宏道  
以前蓋以誌無武后所撰之字定非垂拱以後之刻  
金城坊宋敏求長安志謂在唐京城內金城之名肇  
自隋文帝龍首原長安志爲龍首山誌以儀作儀與

黓寶子碑同書勢古秀雅有大令十三行遺意



十二硯齋金石過眼錄卷之十終



十二硯齋金石過眼錄卷十一

儀徵汪鋈視山

唐三

舊州都督姚懿碑

碑標本正書行  
數字數不可計

大唐故舊州都督贈幽州都督吏部尚書文獻公

□□□□□□□□

朝請大夫秘書丞兼昭□□學士上柱國胡皓

咨議大夫行將作大匠上柱國徐嶠之

夫應順相成君臣有待豈不以參庸□□□□多屯為

□□□以不臨□州不可以不守於是門兮都野對又  
天人高爵命於儀刑大邕熙於品物五侯九伯公實當  
之公諱懿字善意其先□□□姓□考以宦歷□圻  
遂留家於硤石也□□虞惟順其姓惟姓欽若□□盖  
云□□□□善□而□于茲曾祖宣業陳征東將軍吳  
興□□□安仁隋青汾二州刺史達圖膺錫大名垂休  
父祚隋懷州長史檢校函谷關都尉煬帝誥以武能守  
□□險高門晉燭何爲賢之紛光哉公都尉□□□毅  
烈昭融蓄大容達藝工非習學達無師燕□□□鴻鵠  
自若以待奮也年十八屬亂隋無爲□盜生郊投公本

縣令以先人部曲少用輯甯□□□□太宗濟河聞公  
名密遺相□□□□州將曰王充非主天命在

唐且速舉衆以應義不□恐貽後感□間道入謁

高祖嘉歎者久之乃降賜 墨書金帛以此闔州

離思 太宗東伐王充投鷹揚郎將長沙縣男水

陸道總管洎賦卒將舉籍議功有妄譖者云公曾通偽  
鄭□□疑黜又以月略用多每爲朋儕所忌乃築室于  
硤石東北重崗之曲將以道德幽栖高尙其事右二硤  
左二陵北河南陰南山口趾□養浩氣外衍遐風紫芝  
淹留赤松不返俄而貶授晉州高陽府折衝都尉公抗

疏自列謝病而退乃除常州長史公堅以疾辭尋除硤  
州刺史累加銀青光祿大夫公舉口察按百城導齊江  
門茂育雲澤龍朔初邛蠻作梗乃除公使持節雋州都  
督公正以訓吏嚴以蓄戎不罰而激不口而服能以毀  
達口以哀遷啓全告終返真守始以二年十二月一日  
終于官舍春秋七十有三嗚呼哀哉以三年七月口口  
日藁葬於硤石縣安陽公之原未備口禮也公門傳孝  
義代蒙旌勝至若雞鶩家禽牛羊圈畜互以相乳不限  
所生豈非剛德繼修應形殊類也公口口誰與口口口  
口武傑文英口深天理口原忠口口口口庭餘力所存

致心無害雖三善三變窮妙曲成而藏器迨時移官于  
位乃作藩口以制要荒口口以誠不以言口之以威不  
以暴遠夷口順羣物緝熙存立大功歿昭餘訓豈無

明主而有遐遺命矣哉公初娶張氏李氏並早歿後  
娶劉氏口封彭城郡夫人則隋左常侍隆之孫唐襄州  
長史志達之女今紫微令崇故宗正少卿景之母也夫  
人于資福祉實受靈和四德待行三從及嗣祗先導後  
在國成家二子少孫口門所恃長幼咸若禮訓所陶出  
有庶官人惟丞相乃敷皇極遂廣人和至矣哉蓋由內  
則有方外成共大而況口衆口羣婦口或不宗於休夫



人豈古之剛達□□以神龍三年正月□□□□洛陽  
慈惠□□私第鳴嘯遣令曰生以形累死以魂遊然事  
尊在冥無遠□□何□合葬然後爲禮昔邴根矩沐德  
信並通儒達識咸以樹窆爲非實獲我心當從其議無  
改吾志尔惟孝乎歿已可於龍門山外用爲窀穸與迎  
家園以慰吾平生之好□□□□遺旨以景龍二年  
歲次戊申九月庚寅朔十五日甲辰葬于萬安山之南  
陽令公純德佐時高堂生感永思不待長號岡極以爲  
東塋□華西世□□占考歲辰奏加封樹以開元三年  
歲次乙卯十月己酉朔十三日辛酉庀徒有作初景龍  
年以時宰先人特制追贈□□都督而神道貴靜玄宅  
不移重廣冥域因成爲制

天子於是乎昭寵大臣追崇舊烈又制贈吏部尙書謚  
曰文□公□□□官一□監護賜米粟各二百石絹布  
四百端匹庶事官供特令優厚蓋念功悼存發榮而資  
哀者也版築相麗資飾其儀豐□近奢薄不違儉名山  
大谷異勢盤紆密壙重墳靈祇衣叙是惟幽極可以永  
安撰德昭文長垂不已銘曰

氏原德先裔裔縣縣曷時無僑曷位英賢重象躍質紛  
紛秩秩潔齊相亨休復于吉□□□□文獻非他我生

則睟天罰云多粵有符彩甯施琢磨英圖烈烈利用峨  
峨瞻天應相謁

帝關河庸勳遠大錫命駢羅行行駟馬作藩荒口口職  
口人為範陶均政閑誰黷時修物育陟遐未窮口冥不  
復慈告式剛卜宅離坐東畢西賁幽封大成尊尊孝子  
昭發家聲

開元三年口月十日

朝請郎行武口口口口

口口口口口口口口口口

右唐姚懿碑懿崇父也據碑及唐書宰相世系表皆  
云公諱懿字善意而崇子奕碑與元和姓纂乃云名

善意豈非以字行乎懿隋末唐初人仕至雋州都督

開元間崇為宰相立此碑耳

金石錄

寶刻類編有此碑碑載懿歷官尤詳云隋授本縣令

太宗東伐王充授鷹揚郎將長沙縣男水陸道總管

俄而貶授晉州高陽府折衝都尉除常州長史尋除

硤州刺史累加銀青光祿大夫龍朔初拜蠻作梗乃

除使持節雋州都督卒藁葬於硤石縣安陽公之原

景龍年以時宰先人特制追贈幽州都督又制贈吏

部尚書諡曰文獻公懿乃崇之父也宰相世系表稱

硤郡姚氏梁有征東將軍吳興郡公宣業生安仁隋

汾州刺史生祥隋懷州刺史檢校函谷都尉皆與碑  
合惟碑云安仁青汾二州刺史祥懷州長史是世系  
表誤長史爲刺史足證傳寫之失碑云懿字善意與  
世系表同劉煦唐書姚崇傳云父善懿貞觀中任舊  
州都督則合名字並稱誤矣嶠書之存者惟姚氏二  
碑此尤完整可觀良足貴也

中州金石記

### 王慶墓誌銘

碑高一尺七寸廣二尺四寸

正書二十三行行二十二字

唐故朝議郎行登州司馬上柱國王府君墓誌銘

井序

公諱慶字弘慶東萊掖人漢議郎扶即其先也崇勲重

爵允光前史休風茂範克被後昆祖相隨任齊州錄事  
叅軍孝悌隨任濟州東阿縣令並容表魁傑機神穎悟  
雖位不充量而行足揚名公幼得奇童之目早標心人  
之稱多才藝尙冲藹隱不違親貞不絕俗年甫弱冠河  
濟名流翕然已想望其風矣龍朔初刺史河南邱孝忠  
塞澹海甸下車未幾便引公爲談客時高麗餘孽作梗  
遼川 詔徵舟師濟自黃腫邱君以公有深謀遠筭遂  
要在中權同補趙之入幕類田疇之出塞閱賞酬庸拜  
上柱國軍罷 勅授昭武校尉營州都督府瀘河鎮將  
馬邑蕭條龍山阻絕肅恭王事余病未能久之除雅州

和州鎮將昔我先君嘗旋駢於九折願惟徽尚願捫閉  
於一邱是時太夫人在堂有羸老之疾公孝性純懇興  
言飲淚衣不解帶藥必親嘗居喪之禮哀毀過制萬歲  
通天元年白虜趁趨鋒交碣石青林失律火照甘泉  
天子詔左衛將軍薛訥絕海長驅掩其巢穴飛葦輓粟  
霧集登萊監軍御史范玄成與公素遊捐公清幹且以  
務簡得兼統押乃密表馳奏朝廷許焉俄除朝議郎行  
登州司馬仍充南運使 恩命光臨飭躬就列情勒悅  
使義馬均勞糶粟齊山飛雲蔽海三軍歎口僉曰得人  
聖曆年運停還任公雅愛虛寂林壑之致始終不渝雖

踟塵滿庭常嘯詠無輟昔桓温每云我方外司馬豈斯  
之謂歟何啻天厲不戒奄從化往春秋六十七以神龍  
元年十一月二日卒於官舍嗚呼哀哉夫人同郡呂氏  
劔履舊族言容夙備作配君子宜其室家而與善徒欺  
未秋先落粵開元九載龍集辛酉十一月甲辰朔六日  
己酉昭啓靈殯合葬於掖城東南五里田掖山之陰禮  
也嗣子瀛州同戶參軍璣虔孝出忠自家形國啼枯栢  
樹思結寒泉勒豐石於夜壺播餘芬於永世銘曰

偉哉華胄世濟賢秀猗歟若人不忝其舊幼有令名長  
口宦情飛談入幕堅卧辭榮始乃事親終惟報國方舟

轉饒遼水無極展驥來旋仁風允塞雅懷未愜痼疾弥  
前荒涼池館零落山邱劔埋同匣樹聳行楸蒼蒼日暮  
煙鳥空愁

右唐故朝議郎行登州司馬上柱國王府君墓誌銘  
無撰書人姓名其略云公諱慶字弘慶東萊掖人萬  
歲通天元年白虜蹙起天子詔左衛將軍薛訥絕海  
長驅掩其巢穴飛騎挽粟霧集登萊監軍御史范玄  
成指公清幹乃密表馳奏俄除朝議郎行登州司馬  
仍充南運使聖歷年運停還任以神龍元年卒開元  
九載葬於掖城東南五里岡掖山之陰此誌山左金

石志未收亦不見他家著錄殆近日出土也白虜當  
指李盡忠孫萬榮而舊書薛訥傳新書訥附父仁貴  
傳俱不書絕海事得之可備異聞也

顧千里思適齋  
碑跋

河南府叅軍張君墓誌

石高一尺四寸廣一尺四寸  
正書二十七行行二十八字

唐故河南府叅軍張君墓誌

并序

鄉貢進士丁鳳撰

君諱軻字季心其先范陽方城人也曾祖玄弼皇秀才  
擢第拜長安尉益府功曹贈都督安隨郢沔四州諸軍  
事安州刺史祖柬之秀才擢第 宗社艱難時危反正  
特進中書令監修國史上柱國漢陽郡王本州刺史食

封七百戶顧德金章勲庸茂績傳諸國史備列先碑父  
漪秀才擢第朝散大夫著作郎佐父潛謀能安漢室建  
策除呂獻議如昌功亞朱虛侍歸疎受君則著作之第  
四子聰含誕孕慶積公忠體峻晴峯神高秋色傅母罷  
乳羶腥靡嘗岐嶷有成詩書便覽往昔 中宗復辟邪  
黨搆端大父被奪鳳池歸來典郡見君性不食肉幼及  
成童奏爲梵苑沙門配居龍興精舍載雖及紀材必爲  
時君謂釋門之道也祈沒後之因儒門之教也救當今  
之弊脩惠狹於善已濟世博於蒼生返初服於巾簪捨  
緇流而冠帶屬 天波昭滌祖廟立宗文子從班大才

誰繼喟然曰吾當擅鴻筆取青紫即胄太學舉秀才無  
何拜河南府叅軍以秀才有後也况官叅河尹攝館府  
曹墳藉文章儒宗墨客虚心待士散俸歸仁餘慶未融  
斯文乃喪味不知突以逮于終以開元廿年六月五日  
適疾不祿於洛陽陶化里私第春秋卅六嗚呼知音者  
莫不云變風雅之篇什稟江山之清潤方經國而可大  
尙沉跡而未光痛昭世之早辭乃邗家之歿瘁有集三  
卷行於代

夫人安陽邵氏備佩針管脩整組紉事姑側聽於鷄鳴  
作嬪潔羞於苜蓿訓子得義方之盡孀居存師傅之儀

早歲專德於公宮晚載脩心於釋典以天寶四載六月十七日寢疾終於故里私第享年卅有九越天寶六載十月十二日合祔于安養縣相城里 先祖之舊塋禮也嗣子曰緝曰縉樂、相撫哀、相次愷悌孝友閱禮言詩既積學而含章亦高墉而射隼女也事夫終達弄瓦存準相對悲彌皇、攜墓將題實錄用叙哀詞銘曰軒轅垂裳支衰分張子孫范陽奕葉全昌從宦遷徙茅舍金章其猗歟君子炳靈代越文章官徵弱歲異此不食于肉歸於釋子其馘飛國庠擢秀明敷繼業聯芳叅鄉洛陽嗟乎中折梁壞人亡其夫人婉德禮全內則毋

儀柔克嗣子食國駢馳文墨呱、相向銘誌將勒其

辛丑春道出樊城適門人張子黼華司鐸襄陽夜渡漢水過訪出唐碑拓本九紙見貽皆張漢陽先世暨裔孫墓誌蓋張氏族葬漢岸道光十二三年間漢水齧蹋岸隤土人獲九石移之漢陽王祠字跡完好未經椎榻也故自來收藏金石家皆未著錄此三紙乃其中幅之最小者無書丹人姓名而筆法迥媚唐碑中之絕佳者可寶也 吳文節公原跋

右鄉貢進士丁鳳撰河南府參軍張君墓誌張君爲漢陽郡王柬之之孫諱軌字季心著作郎漪之第四

子也誌謂軼性不食肉成童即奏爲梵苑沙門配居  
龍興精舍後天波昭滌祖廟立宗乃返初服即胄太  
學舉秀才拜河南府參軍雖易緇爲官仍復如素故  
誌有味不知肉以逮於終之語開元二十年終於洛  
陽陶化里夫人邵氏後十四年至天寶四載乃歿越  
二年合塋於安養縣祖墓按安養縣隋屬襄陽郡即  
今之襄陽縣也碑以慶作慶突作肉與史晨後碑香  
酒美肉之肉又異

李仁德墓誌銘

碑標本正書行  
數字數不可計

大唐故冠軍大將軍行右威衛將軍上柱國金城郡開  
國公李公墓誌銘 并序

公曰仁德族李氏其先蓋樂浪望族也自堯臣類馬周  
史猶龍真裔散於殊方保姓傳於奔代孝甲子

皇贈定州別駕 天上降成綸之恩地下光題輿之寵

公即別駕府君之元子也風骨驍奇器用英遠智爲甲  
胄義作干戈談主霸則金火生光說甲兵則旗鼓動色

當昔中宗晏駕韋氏亂常將欲毒黎元危 宗廟公於

是義形于色憤起于衷發 皇明披 紫闥奔走電激

左右風趨心冠鷹鷂手刃梟鏡人祇再色 帝宇廓



清翊一人以御天功存 社稷膺四履而列地封固山  
河是用拜公雲麾將軍行右七衛翊府中郎將金城縣  
開國子食邑三百戶晝巡徼道環 黃屋而謁誠夜拜  
殊榮佩紫綬而光寵是用遷公右威衛將軍錫馬承恩  
一日三見於 天子以爵馭貴十卿同錄於諸侯是用  
加公冠軍大將軍進封開國公增食二千戶何居昊天  
不愆哲人其萎山岳收神日月奄壽歎以開元廿一年  
正月廿日薨於醴泉里之私第春秋六十有一嗚呼哀  
哉公履謙謙杖翼翼不軒裳而恃不江海而閑其生也  
榮其死也慟匪止隣不相巷不歌寔亦 負辰興嗟同

盟畢弔特

勅贈絹二百匹賻物一百段米粟一

百石供喪事也即以其年四月十三日葬於高陽原禮  
也南面近郊間三龜而一吉東首顧命滅大樹而小封  
金玉靡藏誠之智也琴瑟空置奉之仁也有子二人長  
曰思敬右驍衛中候次曰思讓石驍衛司階並七日絕  
漿式五月而葬孺墓凶極賓拜無容防地道而變盈紀  
天性於幽隧銘曰

惟嶽降神冠軍當仁忠孝是佩清白爲鄰曷其榮也

社稷貴臣曷其哀也朝市悲人生可續兮孰不萬春死  
可贖兮孰不百身生不可續死不可贖歷考古今誰免

風燭人閱代兮代閱人倏兮忽兮一邱塵舟移壑兮壑  
移舟蕭兮索兮九原秋意氣盡兮萬事罷泉門閉兮九  
重幽悲夫悲夫空默默魂兮魂兮何悠悠

右冠軍大將軍行右威衛將軍李仁德墓誌銘無撰  
書人姓字誌云中宗晏駕韋氏亂常將欲毒黎元危  
宗廟公義形于色憤起于衷發皇明披紫闥奔走電  
激左右風趨心冠鷹鷂手又梟鏡人祇再色帝宇廓

清云

云當是隨臨淄王及劉幽求鍾紹京等誅羣逆

靖韋氏之亂特玄宗本紀韋庶人及劉幽求鍾紹京  
等傳未載其所見惟聶劍光所錄玄宗紀泰山銘

後刻隨從諸王大臣名半皆磨滅獨存開國公臣李  
仁德上柱國臣李元紘以下二名而已据誌仁德薨  
於開元二十一年而玄宗封泰山在開元二十二年冬  
仁德隨諸王大臣扈從東巡亦臣分應爾意誌中仁  
德必其人也且官居雲麾將軍右屯衛翊府中郎將  
即歿後特勅贈綉賻物米粟以供喪事恩賚如此其  
人必非泛泛專賴此刻以存其人於千餘歲之後孰  
謂金石無補於史哉碑以鏡作鏡

張君墓誌

石高八寸廣九寸正  
書十六行行十七字

唐故秀士張君墓誌并序

君諱典字子敬其先范陽方城人也軒轅錫族司空分  
派繁衍光大自北徂南九代祖貞從西晉入東晉六代  
祖策去西魏自南齊遷宦奔葉因家樊沔祖漢陽郡王  
中書令柬之佐命元勳建封立廟服器有具子孫其昌  
父嶧則王之第二子君則王之第七孫渥洼躡足有  
權奇也丹穴絳羽異鸞翥也學詩學禮舞象舞籥克孝  
克溫日肅日序成童未冠遭疾而終誰與聰明不假眉  
壽先天二年八月十六日瘞于私第時年十七開元  
廿一年十月十六日改殯于安養縣西村先墳禮也祔  
祖廟祭也嗚呼哀哉君之兄駕部郎中愿痛躄之不  
祿悲涕泗之無從銘曰

嗚彼 先塋東西墜之伊何君子左右位之成童備德  
痛幽閔之棠棣之華上春墜之

右秀士張君墓誌君諱典字子敬爲漢陽郡王柬之  
第二子嶧之子嶧柬之傳未載其人而宰相世系表  
列之典未冠而殤開元十七年葬於安養縣先墳誌  
有君之兄駕部郎中愿痛躄之不祿按新唐書張  
柬之傳子愿漪愿仕至襄州刺史漪以著作郎侍父  
襄陽据世系表則漪與嶧皆柬之之子謂愿爲吳郡

太守兼江東採訪使以誌文痛摹附之不祿釋之是  
愿與典皆嶧之子碑與世系表合而傳則誤愿爲東  
之之子且所署銜亦復大異當以碑爲是蓋新唐書  
本紀表志爲歐陽修所定列傳則爲宋祁所定書出  
兩人以是紕繆如此以上三碑爲儀徵吳文節公所  
臧假而錄之如右

大安國寺惠隱禪師塔銘

碑高一尺四寸廣一尺八寸  
正書二十八行行十八字

大唐大安國寺故大德惠隱禪師塔銘 并序

禪師俗姓榮京地人其家第四女也族望北平曾祖懋

隨金紫光祿大夫散騎常使兵部尙書東阿郡開國公  
祖建緒銀青光祿大夫使持節息始洪諸軍事三州刺  
史東阿郡開國公懋祖思九黃門侍郎父懷州夷州綏  
陽縣令外祖韋氏字孝基皇中書舍人道遥公之孫也  
禪師聰識內敏幼挺奇操粵自髫鬣敬慕道門專志誦  
經七百餘紙業行精著簡練出家自削髮染衣安心佛  
道尋求法要歷奉諸師如說脩行曾無懈倦捐軀委命  
不以爲難戒行無虧冰霜比潔或斷穀服氣宴坐禪忘  
或鍊辭試心以堅其志動靜語默恒在定中凡所施爲  
不輟持誦雖居有漏密契無爲雅韻孤標高風獨遠鳴

呼驚波不息隙影難由生滅無恒遷隨遷謝以開元二十二年七月十一日壽終於安國道場春秋七十有六右脇而卧奄然滅度臨涅盤時遺曰吾緣 師僧父母並在龍門可安吾於彼處与 尊者同一山也弟子臣博通三藏才行清高生事竭仁孝之心禮葬盡精誠之志追痛永遠建塔茲山縱陵谷有遷庶遺芳不朽乃爲

銘曰

至道希夷代罕能窺探秘就妙夫惟我師其爰自幽年訖于晚歲精念護攝虔誠不替肅肅戒行明明之惠淨業滋薰与佛同契其逝川不駐隙駟難留奄隨運往万

古千秋嗟永感而無極式厥紀於芳猷其

開元廿六年歲次戊寅二月六日建

右大安國寺惠禪師塔銘文曰禪師俗姓榮京兆人也曾祖權隋金紫光祿大夫兵部尚書東阿郡開國公按隋書榮毗傳弟曰權魏兵部尚書與碑異祖建緒隋銀青光祿大夫使持節息始洪三州刺史隋書建緒傳弟曰厯始洪三州刺史外祖韋氏字孝基新唐書宰相世系表道遙公有仁基無孝基禪師未字自巖齒慕道削髮染衣安心佛教至開元二十二

年春秋七十六終於安國道場弟子尼遵遺命塋於

龍門塔銘載及外祖於此僅見當補入王芭孫碑版  
廣例

大智禪師塔銘

碑高一尺九寸廣一尺九寸  
正書二十五行行二十四字

大唐故大智禪師口口

弟子太僕少卿杜昱撰

禪師諱義福俗姓姜氏潞國銅鞮人曾祖仲遷隨武陟  
丞廂門令大父子胤烈孝解脫並邱園養德隱居不仕  
禪師體不生之口神經無染之絕韻爰在悼亂遊不狎  
羣遂更童長身無擇行峻節比夫嵩華雅量方於溟渤  
初好老莊書易之說亟歷淇澳張盜之間以非度門一

皆謝絕齒邁二十適預緇流慧音共芝若同芬莪相與  
蓮花比潔大通之在荆南也慈導風行聲如鼓鍾應同  
鳴鶴乃裹糧脩謁偏袒請命遠得法要式是勵精決辰  
之間時然大悟三摩隨八順忍現前大通印可審弘付  
囑自是多歷名山普雨甘露經行如市宴坐成林門下  
求謁固強三年之滯衆中樂聞常兼五十之喜則我禪  
伯之徽業實亦駿揚于耿光及遊步上都載胎咸洛法  
梁是荷人寶歸尊有如王公四累下遂禪販百族明發  
求哀涕淚勤請則亦俯授悲誨朗振圓音應器而亂乍  
必盈逗根則條枚盡浴如摩尼皆隨衆色入蒼甸不覲

餘香所可備行分獲梁證昇堂或落落間出其餘洎洎  
皆是前年 輿駕東幸禪師後旋有洛閉關靜慮

猶口無言或跌坐通霄或冥寐終日門弟子有觀異相  
竊或怪之知化系將終接衽悲侍開元廿四年夏五月  
廿五日右脇徂逝春秋七十九僧夏口口粵六月十有  
七日 恩勅追号大智禪師秋七月七日甲申遷  
於奉先寺之西原起塔守護禮也禪師以道令人運慈  
濟物凡所利樂率先弘溥其茂德殊行則刊在世碑冥  
貺神迹則詳夫外傳簡茲盡美略而不書猶迷變海之  
期示勒開山之記銘曰

闕塞西麓相縈抱子極目南臨伊汝道子永錫大智神  
所保子達人口已豈多感子率由代教驗發祥子于蔭  
法嗣道有光子

右大智禪師塔銘弟子太僕少卿杜昱撰嚴挺之撰  
大智禪師碑亦曰太僕卿新唐書宰相世系表昱給  
事中禪師姪姜潞國銅鞮人與舊唐書義福傳同傳  
書開元十一年從駕往東都按玄宗本紀十二年冬  
十一月庚申幸東都誌云輿駕東幸禪師後旋有洛  
而嚴挺之大智禪師碑則云十三年皇帝東巡河洛  
特令赴都又玄宗本紀十三年十月東封泰山發至

東都按此當是十二年幸東都而師從焉誌云師以  
開元二十四年夏五月二十五日徂逝與嚴撰碑同  
而傳書卒於開元二十年當從碑爲正嚴撰大智禪  
師碑末云太僕卿杜昱者與余法利同事昱稱弟子  
蓋以此是碑前人均無著錄碑登之與嚴碑互證耳  
南嶽投龍告文

銅牌高一尺一寸廣四寸正書四行行十九字

大唐開元神武皇帝李隆基本命乙酉八月五日降誕  
夙好道真願蒙神仙長生之法謹依上清靈文投刺紫  
蓋仙洞位忝君臨不獲朝拜謹令道士孫智涼賈信簡

以聞惟金龍驛傳

太歲戊寅七月戊戌朔廿七日甲子告文

背面正書二行行十七字

內使朝散大夫行內侍省掖庭局令上柱國張奉圖  
本命甲午八月十八日生道士涂處道判官王越賓  
壬寅八月十日僊人秦返思

右告文書太歲戊寅乃開元之二十六年本命乙酉  
以甲子推之當生於垂拱元年迨戊寅時已五十五  
歲矣文云夙好道真願蒙神仙長生之法夫堯舜禹  
文之爲君類皆百有餘歲至秦皇漢武求仙祈年則



歲運轉促天寶間復造昇仙宮加玄宗皇帝號非有  
惑於神仙長年者與告文之作宜有意於治矣背更  
載張奉國本命其人僅內待掖庭無足深論如國字  
當是國字按隋書多以田作國而此國字又爲國字  
異體未載僊人秦返息僊當作僊說文僊從也唐書  
封常清傳奏僊從三十人攷唐制大使副使皆有僊  
人即玄宗告文所謂賞信簡者乃今之承差之流返  
必迎字之譌

江都李祖望跋

玄宗本唐之令主初不信神仙曾改集仙殿爲集賢  
開元中棊相州刺史韋濟薦張果入宮自是乃惑於  
神仙不死之道二十年賜果爲通玄先生則其惑愈  
深二十六年遂有命道士孫智源齎簡投龍告文之  
事乃啟林甫長君之惡以故作聖德感應頌實證其  
投藥還丹諸靈驗無非謊詞希意旨也蓋玄宗之好  
道逢之者韋濟長之者林甫幾使唐室傾頽社稷危  
殆吁可歎已告文背面所刻張奉國本命等字當非  
一時所辦不獨書勢判然即以干支推之壬寅已在  
戊寅之後彼掖庭小人且背君作弊天寶之政治可  
知矣返顏元孫干祿字書作延此刻爲陸星農觀察  
所贈云存長沙唐氏

豫州鄆城縣丞張君墓誌 并序

石高一尺三寸廣一尺正  
書二十行行二十三字

唐故豫州鄆城縣丞張君墓誌 并序

姪禪述

君諱孚字孟信其先范陽方城人也 曾祖玄弼益府

功曹贈安隨郢沔四州諸軍事安州刺史 祖東之特

進中書令漢陽郡王 父漪朝散大夫著作郎公著作

之元子幼而明敏長復剷斷年十八以門資齋郎常選

廿而孤神龍後讒諛間豐家遇屯剝 今上登極昭

洗舊冤合門長幼悉皆拜職君授隨州司倉叅軍泉貨

是司出納惟允邦君坐嘯品吏行謠旋屬按察劉商有

恣 先子誣以他事免君職焉君曾無愠容退返初服

婆娑里閑不以屑懷無何五嶺塵飛將軍授鉞決勝之

策君能贊謀獻捷之辰疇庸是取錄用復拜豫州

鄆城縣丞焉此縣陳宋之衝淮河之會舟車輻委寇盜

肩隨君正色臨人剛腸疾惡奸豪股栗伏竄他境而渠

魁十輩猶離跂於其間君乃設擒伏之科正繩愆之准

擒之匪日聚以殲旃藿蒲中清犬不夜吠復丁家艱去

職以開元廿八年六月十四日遺疾終於故里私第春

秋五十有八 夫人呼延氏故亳州鄆縣令謀之女

備習禮法潔羞蘋藻事姑以孝訓子能慈後公喪十四


日終於私寢嗣子徙既及壯年先秋徂謝孫廸承其祀  
焉詞曰

餘慶未已厥生君子位不充量沒恨泉裏其夫人禮則  
當時見美同穴茲辰徽音用紀其

右豫州鄆城縣張君墓誌君諱孚字孟信其先范陽  
方城人也按新唐書宰相世系表謂君遠祖宇北平  
范陽太守避地居方城至安之之族徙居襄陽兩唐  
書張柬之傳均曰襄州襄陽人曾祖玄弼拜長安尉  
益府功曹而世系表謂益府功曹參軍祖柬之特進  
中書令漢陽郡王父漪朝散大夫著作郎孚著作元

子也傳云柬之表請歸襄陽養疾乃授襄州刺史又  
拜其子漪爲著作郎隨父之任誌曰神龍後讒諛間  
覺家遇屯剝即是爲武三思所構貶新州司馬又曰  
今上登極昭洗舊寃開元六年詔以桓彥範敬暉張  
柬之崔元暉袁恕已等從祀中宗廟庭其弟子咸加  
收擢故誌有合門長幼悉皆拜職之語孚授隨州司  
倉參軍即此時也嗣以劉商誣他事奪職會五嶺塵  
飛將軍授鉞決勝之策君能贊謀以功復拜豫州鄆  
城縣丞疑即開元十七年隨張審素破蠻拔昆明之  
功而得是職者鄆城縣唐屬河南道許州孚開元二

十八年丁憂終於家夫人呼延氏後十四日歿葬未  
書某原略之也文為姪繹所述繹為孚弟軾之子也  
碑以豐作豐著作著翟作崔



十一視齋金石過眼錄卷之十一終

